

# LETTRES D'ATRIIBUTION de la Prouince de Ly- mosin à la Cour des grands Iours de Poi- ctiers.



POICTIERS,  
Par ABRAHAM MOVNIN, Impri-  
meur & Libraire près les grands  
Escolles. M. DC. XXXIII.





ERTRES  
d'Attribution de la Pro-  
vince de Limoufin à la  
Cour des grands Iours  
de Poictiers.



OVIS PAR LA  
GRACE DE DIEV  
ROY DE FRANCE  
ET DE NAVARRE,  
A nos amez &  
seaux les gens te-  
nans nostre Cour  
des grands Iours  
establis à Poictiers, Salut. PAR nos  
Lettres Patentes en forme de Com-  
mission du second Iuin dernier nous  
vous aurions commis & deputéz pour

A ij

l'expedition des causes & matieres mentionnées en nos Lettres de Declaration du vnziésime Feburier aussi dernier pour la tenuë & establissement desdits grands Iours, & par nostre ditte Commission nous aurions limité le ressort de nostre ditte Cour en nos Prouinces de Poictou, Touraine, Anjou, le Mayne, Angoumois, haulte & basse Marche & pays en dependants, & d'autant que nous sommes bien informez qu'il y a en nostre prouince de Limosin plusieurs Procez, Ciuils & Criminels de la nature de ceux pour la decision & iugement desquels nous auons estably nostre ditte Cour, nous auons estimé tres à propos pour le bien & soulagement de nos subjets de nostre ditte Prouince, de vous y donner la mesme auctorité & iurisdiction qués susdittes qui en sont voisines; A CES CAUSES, en amplifiant nosdittes Lettres de Commission nous vous auons Commis, deputez & or-

donnez, commettons deputons & ordonnons par ces presentes signées de nostre main pour en nostre dite Province de Limosin, & és Bailliages & Seneschaussées qui en dependent, cognoistre expedier & terminer toutes les causes & procès, iuger & decider de toutes les matieres Ciuilles & Criminelles, selon & ainsi qu'il est plus particulièrement speciffié en nosdittes Lettres, du vnzième Feburier & suiuant leur forme & teneur, mesmes pour cognoistre & iuger de toutes les causes & matieres Ciuilles & Criminelles, concernâs nos subjets de la Religion pretendue Reformée, & dont la cognoissance peut appartenir à nos chambres de l'Eedit; Vous ayant de ce faire donné & donnons plein pouuoir, autorité, Commission & mandement special, & vous en auons attribué & attribuons toute Cour, Iurisdiction & cognoissance par cesdittes presentes, nonobstant que no-

stre ditte province de Limosin ne soit  
 comprise en nosdittes Lettres, des vn-  
 ziesme Februrier, & deuxiesme iuin der-  
 niers, & toutes autres choses à ce con-  
 traire : Si vous mandons que ces pre-  
 sentes vous ayez à faire lire publier &  
 registrer en nostre ditte Cour, & es Bail-  
 liages & Seneschaussées de nostre dit  
 pays de Lymosin à ce qu'aucun n'en  
 pretendecause d'ignorance. MANDONS  
 & enjoignons a nostre Procureur  
 General en nostre ditte Cour, de faire  
 pour l'execution de ces dittes presentes  
 circonstances & dependances; toutes  
 requisitions & diligences selon le deub  
 de la charge, & commandons au pre-  
 mier de nos Huissiers ou Sergens de fai-  
 re pour laditte execution tous actes &  
 exploicts requis & necessaires, sàs pour-  
 ce demander placet visa ny pareatis,  
 CAR TEL EST NOSTRE PLAISIR. DONNE' à Chantilly le dix-  
 neufiesme iour d'Aoust, l'an de grace

mil six cens trente quatre, & de nostre regne le vingt-cinquiésme.

Signé, LOVIS. Et plus bas par le Roy, DELOMENIE. Et à costé est escrit.

---

**L** Eues publiées & registrées, oùy & ce requerrant le Procureur General du Roy, pour estre executées selon leur forme & teneur & coppies d'icelles enuoyées és bailliages & seneschaussées de laditte Prouince de Lymosin pour y estre pareillemēt leuës, publiées, registrées & executées, & enjoint aux substituts dudit Procureur General d'y tenir la main & en certifier la Cour dans trois sepmaines: A Poictiers és grands Iours y seant le vnziésme Septembre, mil six cens trente quatre. Signé, RADIGVES.

Collationné à l'Original par moy Conseiller,  
Notaire & Secretaire du Roy & de la Cour  
de Parlement.







